


水腫門

黃痺門

肺癰肺痿門

醫門法律



水腫門

論三首合論金匱方六條
律七條附論海藏法三條

水腫論

喻昌曰病機之切於人身者水火而已矣水流濕火就燥水柔弱火猛烈水泛溢於表裏火遊行於三焦拯溺救焚可無具以應之乎經謂二陽結謂之消三陰結謂之水手足陽明熱結而病消渴火之爲害已論之矣而三陰者手足太陰脾肺二藏也胃爲水穀之海。水病莫不本之於胃。經乃以屬之脾肺者何耶。使足太陰脾足以轉輸水精於上手太陰肺足以通調水道於下海不揚波矣。惟脾肺二藏之氣結而不

行後乃胃中之水。日蓄浸灌表裏無所不到也。是則脾肺之權可不伸耶。然其權尤重於腎。腎者胃之關也。腎司開闔。腎氣從陽則開。陽太盛則閉。門大開。水直下而爲消。腎氣從陰則闔。陰太盛則閉。門常闔。水不通而爲腫。經又以腎本肺標相輸俱受爲言。然則水病以脾肺腎爲三綱矣。於中節目尤難辨晰。金匱分五水之名。及五藏表裏主病。徹底言之。後世浸不加察。其治水輒宗霸術。不能行所無事。可謂智乎。五水者。風水。皮水。正水。石水。黃汗也。風水其脉自浮。外證骨節疼痛惡風。渾是傷風本證。從表治之宜矣。皮

水其脉亦浮。外證跗腫。按之沒指。不惡風。其腹如鼓。不渴。當發其汗。證不同而治同。其理安在。則以皮毛者。肺之合也。肺行營衛。水漬皮間。營衛之氣。積鬱不行。其腹如鼓。發汗以散皮毛之邪。外氣通則內鬱自解耳。正水其脉沉遲。外證自喘。北方壬癸自病。陽不上通。閤門閉而水日聚。上下溢於皮膚。跗腫腹大。上爲喘呼。不得卧。腎本肺標。子母俱病也。石水其脉自沉。外證腹滿不喘。所主在腎。不合肺而連肝。經謂肝腎并沉爲石水。以其水積胞中。堅滿如石。不上大腹。適在厥陰所部。卽少腹疝瘕之類也。不知者自治他。

病誤動其氣。上爲嘔逆。多主死也。巢氏病源謂石水。自引兩脇下脹痛。或上至胃脘。則死。雖不及於誤治。大抵肝多腎少之證耳。黃汗汗如檉汁。其脉沉遲。身發熱。胸滿。四支頭面腫。久不愈。必致癰膿。陰脉陽證。胃本胃標。其病皆胃之經脉所過。後世名之痺水者。是也。夫水飲入胃。不行。鬱而爲熱。熱則營衛之氣亦熱。熱之所過。末流之患。不可勝言。皆從痺水而浸淫不已耳。然水在心之部。則鬱心火。炳明之化。水在肝之部。則鬱肝木。發生之化。水在肺之部。則孤陽竭於外。其魄獨居。水在脾之部。則陰竭於內。而穀精不布。

水在腎之部。不但諸陽退伏。卽從陽之陰。亦且退伏。孤陰獨居於下。而隔絕也。故胃中之水。惟恐其有火。有火仍屬消渴。未傳中滿。之。不救。腎中之水。惟恐其無火。無火則真陽滅沒。而生氣內絕。其在心之水。遏抑君火。若得脾土健運。子必救母。卽在肝在肺在腎之水。脾土一旺。水有所制。猶不敢於橫發。第當懷山襄陵之日。求土不委。類足矣。欲土宜稼穡。豈不難哉。夫水土平成。以神禹爲師。醫門欲平水土。不師仲景而誰師乎。

水腫脉論

喻昌曰諸病辨脉以浮沉遲數四脉爲綱而水病之
精微要渺莫不從此四字叅出其及於弦緊微瀦伏
潛之脉者愈推愈廣之節目耳風水脉浮此定法也
然有太陽脉浮之風水有肝腎并浮之風水有勇而
勞汗之風水有面胛腫鬱塞害於言之風水治法同
一開鬼門而標中之本則微有分矣抑且當汗之證
瀦而下利小便數皆不可發汗可不辨而犯其戒乎
脉沉曰水此定法也而肝腎并沉爲石水伏相搏
名曰水少陰脉緊而沉緊則爲痛沉則爲水水入
沉當責有水身體腫重水病脉出者死沉爲水緊爲

寒沉繫相搏結在閔元沉爲裏水。水之爲病其脉沉
小。屬少陰。內經明有潔淨府之法。金匱治諸沉脉俱
不及之。另曰腰以下腫者宜利小便。又曰小便自利
者愈。正恐沉微沉遲腎氣衰少誤用其法耳。已上所
論浮沉諸脉皆顯明而可解者也。至論遲數之脉。謂
寸口脉浮而遲。浮脉則熱。遲脉則潛。熱潛相搏。名曰
沉。趺陽脉浮而數。浮脉卽熱。數脉卽止。數止相搏。名
曰伏。沉伏相搏。名曰水。沉則絡脉虛。伏則小便難。虛
難相搏。水走皮膚。卽爲水矣。如是言脉截斷衆流。令
聰明知見。全不得入。豈非最上一乘乎。寸口者肺脉。

所過。趺陽者。胃脈所過。二脈合診者。太章內經三陰結。謂之水。當以寸口。趺陽定其診也。寸口脈浮而遲。浮爲衛。爲陽。遲爲營。爲陰。衛不與營和。其陽獨居。脈外則爲熱。營不從衛。匿於脈中。則爲潛。營衛之間。熱潛之邪。相搏而至。則肺氣不能布化。故自結而沉也。脾與胃以膜相連。而爲表裏。趺陽脈浮而數。胃陽不與脾陰相合。浮而獨居於表。則爲熱。脾陰不得胃陽以和。反爲陽氣所促。而變數。數則陰血愈虛而止矣。數止相搏。名曰伏者。趺陽之脈本不伏。以熱止之故。而脈伏也。寸口之沉。趺陽之伏。相搏於中。則爲水。豈

三陰結一定之診乎。然肺合皮毛者也。皮膚者絡
脉之所過。肺沉而氣不爲克。營潛而血不爲養。則絡
脉虛。脾爲胃行津液者也。脾伏則津液不入膀胱。故
小便難。絡虛便難。水之積者。乘虛而走皮間爲腫矣。
金匱之書觀之不解。正精微所在。未可釋手也。寸口
脈遲而濇。解見二卷。水寒中。然以寸口定肺之診矣。
而肺者外合皮。內合大腸者也。外合皮毛。旣推皮
虛所過絡脉之虛。水入爲腫矣。而內合大腸。豈無脉
法以推之耶。金匱又曰。寸口脈弦而緊。弦則衛氣不
行。緊卽惡寒。水不沾流。走於腸間。以浮遲弦緊爲肺

脈主水。表裏之分也。弦爲水緊爲寒。水寒在肺則營衛不溫。分肉而惡寒。肺之治節不行。不能通調水道。故水不沾流。而但走大腸之合也。卽肺水者。其身腫。小便難。時時鴨蹠之互辭也。以趺陽定胃之診矣。而胃之或寒或熱。亦卽於脈之或緊或數而辨之。故曰趺陽脈當伏。今反緊。本自有寒。痼瘕腹中痛。醫反下之。下之卽胸滿短氣。又曰趺陽脈當伏。今反數。本自有熱。消穀。小便數。今反不利。此欲作水。一寒一熱。兩出。趺陽所主脈。證寒痼瘕。卽石水之類。腹中痛宜溫。不宜下。下之而傷其胸中之陽。則濁陰上攻。胸滿短。

氣也。內經腫滿環臍痛名風根不可動。動之爲水溺。濇之病風根爲陽。動之則乘陰。疝瘕爲陰。動之則乘陽。皆精義也。熱能消穀。小便數。本是痺成消中之病。今反小便不利。此欲作水。亦可見其水必乘熱勢浸淫。無所不至。與黃汗證大同小異耳。金匱水病脈法之要全在求責有無盛虛。有者求之。無者求之。凡屬本證兼證。胸中了然。無所疑惑矣。盛者責之。爲風爲熱。爲腫。爲痛。爲氣強。爲發熱燥煩。莫不有脈可據矣。虛者責之。爲正虛。衛虛。營虛。經虛。絡虛。水穀氣虛。少陽。少陰。細之虛。亦莫不有脈可據矣。究竟脈者精

微之學也。目欲傳其精微而精微出於平淡愈推愈廣。愈求愈獲。如水病脈出者死。徒讀其文寧不悞人。自悞乎。風水黃汗等證。脈之浮大且洪者。豈亦主死乎。惟少陰腎水其脈本沉者。忽焉沉之。烏有而反外出則主死耳。又如營衛之虛。其辨不一。有營衛隨風火熱上行而不環周於身者。有營衛因汗出多而不固於腠理者。有營衛因穀氣少并虛其宗氣。胸中作痛者。有營衛不和於脈之內外者。有營衛阻絕於脈之上下者。有營衛所主上中下三焦俱病。四屬斷絕者。有營衛熱。肘肌膚癢潰者。一一致詳。始得其精。學者。

脈者自爲深造可矣。

論金匱防已黃芪湯方

本文云。風水脈浮身重汗

出惡風者。防已黃芪湯主之。腹痛加芍藥。

脈浮表也。汗出惡風。表之虛也。身重。水客分肉也。

防已療風腫水腫通腠理。黃芪溫分肉補衛虛。白

朮治皮風止汗。甘草和藥益土。生薑大棗辛甘發

散。腹痛者陰陽氣塞不得升降。再加芍藥收陰。

論金匱越婢湯方。本文云。風水惡風。身悉腫。脈

浮不渴。續自汗出。無大熱。越婢湯主之。裏水者。

身面目黃腫。其脈沉。小便不利。故令病水。假如

小便自利。此亡津液。故令渴也。越婢加朮湯主之。
前條風水續自汗出。無大熱。故用之。設不汗出。且
大熱。表法當不主此也。後條裏水。假如小便自利。
亡津而渴。故用之。不獨裏法當不主此也。曰無大
熱。則有熱可知。曰裏水。乃軀壳之裏。非藏府之裏。
可知。故俱得用越婢湯也。

越婢湯者。示微發表於不發之方也。尚論傷寒太
陽第三篇已詳之矣。大率取其通調營衛。和緩之
性。較女婢尤過之。而命其名也。蓋麻黃石羔二物。
一甘熱。一甘寒。合而用之。脾偏於陰。則和以甘熱。

胃偏於陽。則和以甘寒。乃至風熱之陽水寒之陰。
几不和於中土者。悉得用之。何者中土不和。則水
穀不化。其精悍之氣。以實榮衛。榮衛虛。則或寒或
熱之氣。皆得壅塞其隧道。而不通於表裏。所以在
表之風。水用之。而在裏之水。兼渴而小便自利者。
咸以之無非。欲其不害中土耳。不害中土。自足
消患於方萌。抑何待水哉。牛瓜子。

論

金匱防已茯苓湯方

本文云。皮水爲病。四肢腫。

水氣在皮膚中。四肢聳聳動者。防已茯苓湯主之。
風水脈浮。用防已黃芪湯矣。而皮水卽彷彿而用。

之前脈論中謂同一開鬼門而標中之本則微有
分。此方是也。風水。下鬱其土氣。則用白朮。崇土。薑
朮。和中。皮水。內合於肺。金鬱泄之。水漬於皮。以淡
滲之。故以茯苓。易白朮。加桂枝。解肌以散水於外。
不用薑朮。和之於中也。況四肢聶聶。風在營衛。觸
動經絡。桂枝尤不可少耶。

論金匱麻黃附子湯杏子湯二方

本文云。水之爲病。其脈沉。小。浮者爲風。無
水。虛脹者爲氣。水發其汗。卽已。脈沉者宜麻黃附
子湯。浮者宜杏子湯。